

閩媛典第二百三十卷

閩節部列傳一百十二

明一百七 劉從仁妻崔氏 滿能持妻趙氏

按續深州志崔氏劉從仁妻年二十三夫亡守一女終其身

按續深州志趙氏滿能持妻及笄

而嫁嫁五月而寡遺腹生男苦守成立三十餘年節操凜凜

劉一見妻王氏 戴養浩妻李氏

按續深州志王氏劉一見妻年二十夫亡苦節六十四年白首愈健子孫繩繩

按續深州志李

氏戴養浩妻年未三十夫亡撫養五子凡苦節四十餘年

張弘圖妻李氏

按續深州志李氏張弘圖妻年二十一夫亡子甫數月氏欲死不飲食者三日或勸之曰殉死易撫孤難盍終爲其難者氏遂苦節教子讀書入太學事舅姑養生送死以孝聞值凶歲無異直指旌表

劉孟秋妻程氏

張弘初妻楊氏

程法妻張氏

古今圖書集成
按續深州志程氏劉孟秋妻年二十九夫亡持守家業撫訓二子成立長可啟死難

按續深州

志楊氏張弘初妻年二十二歲夫亡求死弗得苦節撫遺孤成立生孫年七十崇禎七年巡按御史旌其門 按續深州志張氏程法妻年二十一夫亡守節終身直指旌表

吳瑄妻呂氏

按續深州志呂氏生員吳瑄妻年二十三夫亡止一女吳固巨室多兄姪未幾女殤姑喪翁已耄老而兄若姪尋俱奄逝遺一孫方數歲氏事上撫下區畫井井戊寅之變翁復遇害葬祭如禮歷三十年家以不墜

劉應龍妻李氏

按續深州志李氏劉應龍妻年二十夫亡守一子成立尋亦死氏撫幼孫異常艱苦凡歷五十年卒

張應秋妻郭氏

按續深州志郭氏父業頗饒氏適本鄉張應秋張早失怙伶仃孤苦郭處之怡然事姑孝待夫有禮勤紡績供朝夕卽不給不一貸於父母後亦漸足姑病郭祈禱請代竟莫救張以母哀成疾未幾亦

亡郭年二十七撫二子教之成立年七十有五

王振綱妻常氏

何彥洪妻孫氏

按續深州志常氏王振綱妻克嫺婦道年二十夫亡撫子鼎鉉入泮有司旌其節城破復遇害

按續深州志孫氏何彥洪妻年二十四而寡遺孤其秀方三歲撫之成立克興家業凡歷苦節四十餘年

張國璉妻康氏

按續深州志康氏張國璉妻青年守節孝養二親璉弟國鼎係州孝廉不忍其兄之無子請命與立季弟國屏次男爲嗣氏苦志砥節二十餘年有司旌表

劉一州妻孫氏

賈氏附

按續深州志孫氏劉一州妻事寡姑徐氏以孝聞因夫乏嗣勸納妾賈氏育二子長漢裔次漢傑孫視之不啻已出一州亡與賈相依爲命勤紡績以佐館穀燈火之費教子成名孫沒賈獨身苦守年踰耄耋家業漸殷

李逢陽繼妻袁氏

李守倫妻王氏

孫氏附

田喜從繼妻楊氏

按續深州志袁氏李逢陽繼妻年二十七夫亡持家教子各盡其道先業賴以不墮

按續深州

志王氏李守倫妻與李常太母孫氏俱年二十夫亡守節四十餘年直指旌表

按續深州志楊

氏田喜從繼妻年二十一止生一女夫亡撫養前子孝事公姑苦節終老

李之貞妻韓氏

李天衛妻黃氏

按續深州志韓氏李之貞妻夫早亡守節三十餘年撫孤四人崇禎十一年俱沒於東兵氏堅守孤貧以老直指表其門

按續深州志黃氏李天衛妻年未三十夫亡子方襁褓苦節教成之

程天士妻王氏

按續深州志王氏錦衣衛將軍程天士妻性茹素不樂紛奢生子鄉方總角而夫亡教子持家兩盡其道好義樂施捐財賑濟子既成而約束尤嚴不使稍縱其意凜凜清操例如秋霜

張弘巧妻李氏

按續深州志李氏張弘巧妻歸巧三年而巧亡遺孤奇蘊方在襁褓氏絕粒七日號泣求死或解之

曰若第念夫獨不念子乎於是經營窳窳畢自紡績以事翁姑訓奇蘊得食廩餼直指旌表

盧命妻李氏 李應奇妻宋氏 馮自愛妻李氏

按續深州志李氏盧命妻少寡苦志不移有司以聞旌表 按續深州志宋氏李應奇妻年二十

二夫亡守節四十四年教子養麟爲弟子員巡按旌表 按續深州志李氏馮自愛妻少寡守節

撫養一子一女身老家貧歷四十餘年如一日

趙君錫妻郭氏 康邦宏妻張氏

婦附

按續深州志郭氏趙君錫妻夫亡孀居四十餘年教子光明得中武科有司旌其門 按續深州

志張氏康邦宏妻年二十四夫亡遺幼子九經及長亦娶於張生文粹尙在襁褓而九經又亡婦張

亦年二十四與姑同志守節延師教子俱列青衿有司旌表

任守先妻劉氏

按續深州志劉氏年十六歸任守先早失父母劉每以不獲事舅姑爲恨時家計寥落守先任俠好客客至勿問早暮索醇鮮劉專紡績應之未嘗令知其所由來及守先歿遺二子氏年未三十

哀痛倍常罄一切簪珥服飾以給喪葬益自勤紡績以給子館穀家業日以豐裕及老猶以勤苦率子婦輩不稍逸州之士大夫屢欲聞其事劉曰婦分也何旌爲遂止卒年八十有一

徐鑄妻郭氏

李棟妻姜氏

李珮妻徐氏

王璉妻程氏

張表妻劉氏

蔡冠妻李氏

陳嘉猷妻高氏

張天爵妻羅氏

田敏行妻陳氏

劉天箕妻程氏

按續深州志以上十婦俱本州人皆少寡苦節事實無考

杜三畏妻田氏

按續深州志田氏杜三畏妻年十八夫亡家貧子幼翁姑年老氏生事死葬無憾教子俱克有成

周偉妻孫氏

生員范達道妻李氏

范雲程妻王氏

周永存妻馬氏

張一鶚

妻魏氏

生員李與賢妻趙氏

貢士趙天祥妻張氏

張應元妻安氏

范

元問妻趙氏

按衡水縣志以上九婦俱夫亡苦節終身事實無考

孫從業妻李氏

任萬庫母周氏

張自秀妻何氏

按衡水縣志李氏孫從業妻夫亡守節終身

按沙河縣志周氏任萬庫母年二十夫亡苦節教

子成立崇禎十一年奉旨建坊旌表年八十三卒

按沙河縣志何氏張自秀繼室幼嫻內則性

貞靜夫亡二子皆幼氏勤紡績課讀書長師孔中己卯鄉試次師道選明經氏年七十三卒

趙繼成妻于氏

胡維垣妻李氏

按沙河縣志于氏趙繼成妻成亡氏年二十二斷髮毀容奉姑撫子勤紡績親歷井臼六十餘年艱

苦備嘗貞操如一年八十九卒

按南和縣志李氏生員胡維垣妻垣亡遺二孤氏年二十餘矢

志靡他訓二子成立年六十二卒直指旌其門

尹渙妻黃氏

按南和縣志黃氏尹渙妻夫病亡氏年十九子甫五日矢志守節事繼姑以孝聞以徭役蕩其產業

家徒四壁躬勤紡績課子成諸生天啟間學使左光斗題請建坊旌表崇禎間壽終

李靠山妻鞏氏

張珣妻康氏

按南和縣志鞏氏李靠山妻山亡守節四十餘年旌表

按南和縣志康氏張珏妻年二十五夫

亡守節五十餘年旌表

焦寔妻張氏

田氏張氏附

按平鄉縣志張氏焦寔妻年十六歸焦越四年夫歿苦節訓子涇讀書三姑六婆一切嚴絕涇娶田氏年十五來歸涇亡守志如姑姑疾以針黹市藥衣不解帶者三月每夜泣禱於祖廟願以身代涇子奎光娶張氏數年光沒一子方兩月張紡績育子成立三世貞節並旌表

田儒士妻史氏

高澤妻孫氏

按平鄉縣志史氏田儒士妻儒亡氏年二十三苦節撫三子皆成立縣令申請表其門

按鉅鹿

縣志孫氏高澤妻年二十六夫亡孀居三十餘年有司旌表

陳民禎妻李氏

按鉅鹿縣志李氏舉人陳民禎繼室禎任興平宦邸氏扶櫬歸葬家業蕭條紡織度日嫁己女撫前妻子戊寅城陷逃難全身艱苦萬狀子亦早夭孫尙幼未老而終

董冲漢妻楊氏

劉時顯妻姚氏

按鉅鹿縣志楊氏董冲漢妻漢早亡氏撫遺腹子成立孝事公姑崇禎間有司表其門

按鉅鹿

縣志姚氏生員劉時顯妻顯亡氏年二十五止一女父母勸改適不從哭數日不食淚竭左目喪明苦節五十年始終如一

謝卿晉妻張氏

按任縣志張氏生員謝卿晉妻性貞淑年二十二而寡無出苦節自勵孝舅姑和妯娌沒齒無二直指使者屢旌之年七十有九

霍爾秀妻毛氏

按任縣志毛氏霍爾秀妻年二十九秀亡遺二子歲大饑死者相藉父母及姑皆迫改嫁毛誓死弗從慮二子不能並存鬻其一以養姑留其一以奉祀年七十五卒

張振聲妻劉氏

李縉妻劉氏

按任縣志劉氏生員張振聲妻聲亡劉年二十九二子未離襁褓歲饑仰事俯育皆資織紉擇師教

子俱成名年六十有九 按任縣志劉民生員李縉妻年二十二縉亡一子甫一歲姑年七十餘劉事姑撫幼委曲備至子希孔成立復天遺二孫劉復撫之一爲諸生

程士聰妻李氏 王朝立妻謝氏

按任縣志李氏程士聰妻年二十三而寡家貧紡績度日踰五十年卒子紹宗孫箴俱成立爲諸生
按任縣志謝氏庠生王朝立妻歸立越三年而立亡一子始週謝撫之成立苦節五十餘年

張大用妻袁氏

按任縣志袁氏張大用妻年二十三用亡用弟利其產欲奪袁志袁堅守不渝年七十五縣令旌之
董秀妻杜氏

按任縣志杜氏董秀妻生子未暮而秀亡杜年二十二家極貧子幼無生理父母舅姑交勸改節杜斷二指自矢年六十二撫子若孫皆成立

孟粹妻蘇氏

按任縣志蘇氏孟粹妻年三十一粹亡無出姑與母皆勸改適對曰夫婦情重不問子之有無也艱

苦備嘗秉節愈勵教姪振世讀書爲諸生年六十有九卒

張文燦妻韓氏

按任縣志韓氏張文燦妻燦爲流寇所殺韓欲棄家去衆皆阻之弗從乘夜埋夫挈子士琪匿中原山及寇退旋里比鄰死鋒刃者不計其數年七十有四子孫蕃衍

劉翼聖妻王氏

按任縣志王氏生員劉翼聖妻年二十五聖亡子鏗甫六齡家徒四壁時不舉火氏事耄姑訓子皆出紡績比子成立教以義方儼若慈父鏗卒爲諸生

程錄妻呂氏

李如槐妻吳氏

霍強妻孫氏

按任縣志呂氏生員程錄妻年二十五錄亡無子舅姑皆勸改節呂誓死不從撫姪憲之教訓成名

按任縣志吳氏李如槐妻年二十五夫亡二子俱幼吳秉節撫孤俱克成立 按任縣志孫

氏霍強妻強亡一子盈科生甫三日孫年二十五守節四十餘年科克成立

張文表妻秦氏

按任縣志秦氏張文表妻年二十六夫亡子從敬甫五歲秦撫孤守節誓不再醮年六十餘卒

馮高妻駱氏

按任縣志駱氏馮高妻年十八高亡一子甫及週駱撫孤守節備極艱苦鄰婦勸從人輒詈之曰是乃心也何用教我勸者大慚守節四十餘年訓子巨卿爲諸生

張文相妻栗氏

按任縣志栗氏張文相妻年二十二相亡遺孀生二子方幼族人欲奪其志栗抱孤泣曰我爲死者撫孤忍使我棄之殆無人心者矣自是無敢復言年七十餘卒

杜宗魁妻張氏

按任縣志張氏杜宗魁妻魁亡一子甫三歲父母憐其少微諷之張泣誓曰命也熒熒弱息不絕如綫如有二心犬豕不食其肉乃屏跡苦守非大故不出寢門秉節六十餘年年逾八十卒

吉尙萬妻李氏

按任縣志李氏吉尙萬妻嫁七月萬亡欲死姑勸曰汝方妊吉氏不可無嗣乃止踰四月生子苦節

撫之成立凡歷四十餘年縣令復其徭役

韓廷憲妻李氏

韓世英妻王氏

按任縣志李氏韓廷憲妻生一子而廷憲亡氏年十九艱苦備嘗并日而食凡歷數十年如一日年七十餘終

成立

按任縣志王氏韓世英妻英亡氏年十九人爭謀娶之不能奪苦節四十餘年撫子

杜江妻孟氏

霍玉妻秦妻

按任縣志孟氏杜江妻江亡遺四子無何叔水又歿妻改適遺孤姪望在襁褓無所依孟不忍叔之絕祀力不能俱存乃鬻其二子而撫之旌表

按任縣志秦氏舉人霍玉妻玉亡秦年十九一子未週秦撫之比成立生一孫而子喪秦又撫其孫年七十餘卒

馬之驥妻王氏

霍可久妻駱氏

按任縣志王氏適馬之驥越六載夫亡二子俱幼家貧困苦萬狀秉節不渝二子既長家日殷富

按任縣志駱氏生員霍可久妻年二十久亡惟遺一女駱不飲食者數日母袁氏亦孀居苦勸得不

死葬夫於臥側朝夕拜奠二十餘年

宋普繼妻謝氏

李玆妻馮氏

郭文政妻李氏

按任縣志謝氏諸生宋普繼妻生子國光未三月而普亡謝年二十三苦志守貞擇師教國光爲諸生
按任縣志馮氏庠生李玆妻勸夫勤學有聲於時年二十六夫亡止一弱女馮親織紉以養姑立嗣爲後後嗣孫數人皆貴顯
按任縣志李氏年十七適郭文政三載政亡子永實甫三月李號泣欲自縊家人防之力勸而止勤紡績教子克成

張伯學妻孟氏

按任縣志孟氏張伯學妻年十六適學甫十月而學亡越三日生一子舅姑以家貧憐其少艾欲嫁之受張氏聘孟抱孤號泣避居母家七年子八歲始歸伯學祀賴以不絕年六十八終

李如林妻吳氏

李節妻郝氏

按任縣志吳氏李如林妻年十九而夫亡一子新芳未週吳苦守撫之歷四十一年年六十餘卒
按任縣志郝氏李節妻年十九節亡生遺腹子用撫之成立爲諸生未幾用復夭郝復撫一女孫紡

續終老

謝天祿妻夏氏

按永年縣志夏氏謝天祿妻年二十七祿亡一子朝用甫二歲甚弱人咸危之氏勤撫育艱苦萬狀用卒成立守節五十餘年送舅姑終後朝用判德州孫四人曾孫數十人皆貴顯

杜廓妻申氏

按永年縣志申氏知州杜汝亮繼母亮父廓爲孝廉娶申三載而歿遺子女三人申躬自哺養食非親調不與坐臥一小樓課汝亮讀書率以紡績篝燈熒熒丙夜不息迨汝亮領鄉薦而勤苦尤篤遂遭疾不起臺使者表其門

王濤妻李氏

趙奉妻孟氏

按永年縣志李氏生員王濤妻年十九而寡止二女家貧織紉自給苦節終身

按永年縣志孟

氏趙奉妻年十九奉歿或勸其改適孟曰吾父翁皆清白吏妾身雖輕不可使人受玷苦守五十年年七十餘卒

郭瑛妻申氏

按永年縣志申氏名伴君汝寧衛千戶子郭瑛妻習女則通孝經大義歸瑛克修歸道佐中饋舅姑俱得歡心瑛病篤氏自割左臂肉和粥進之臨終執手永訣以首觸地流血剪髮割左耳以示志瑛死姑張氏年老子未週歲氏躬執勞苦備極酸辛年三十七歲而卒

申朝妻王氏

按永年縣志王氏申朝妻年十七朝死一子亦殤家極貧艱難苦守五十餘年年七十餘卒

姚朋妻胡氏

按永年縣志胡氏主簿胡欽女主事姚斌子朋妻朋亡無子氏年二十三或論改適氏厲聲曰蒙恥若是何以見吾父母舅姑于地下孀居三十餘年卒

張訪妻徐氏

按永年縣志徐氏張訪妻叅政徐政女嫁十月而訪沒氏方妊逾二月生子家貧舅姑老勤織紉以供甘旨後舅姑皆失明出入扶持必親孀居四十餘年子克成立